



# Халқ сўзи

Ўзбекистон —  
келажаги  
буюк  
давлат

1991 йил 1 январдан чиқа бошлаган • WWW.XS.UZ • E-mail: Info@xs.uz • 2016 йил 5 апрель, № 66 (6501)

Сешанба

Сайтимизга ўтиш учун QR-кодни телефонингиз орқали сканер қилинг.



## ЗАМОНАВИЙ, СИФАТЛИ ВА ЭКСПОРТБОП

маҳсулотлар тайёрлашга кичик бизнес ҳамда хусусий тадбиркорлик субъектлари ҳам муносиб ҳисса қўшмоқда

Мамлакатимизда иқтисодий таркибий ўзгартириш бора-сидаги ишлар изчил давом эттирилиб, бу жараёнда кичик бизнес ва хусусий тадбиркорликка янада кенг йўл очиб берилаётгани муваффақиятлар омили бўлмоқда. Чунки ички бозорни юқори сифатли маҳсулотлар билан тўлдириш, аҳоли бандлигини таъминлаш, экспорт ҳажмини ошириш, қисқача айтганда, макроиқтисодий мутаносибликни таъминлашда ушбу соҳа тобора ҳал қилувчи аҳамият касб этаёпти.

### ИЗЛАНИШ

Бугунги кунда биргина Самарқанд вилояти ялли худудий маҳсулотда кичик бизнеснинг улуши 77,9 фоизга етгани бунинг яққол далилидир.

Дарҳақиқат, худуднинг sanoat салохиятини юксалтириш, импорт ўрнини босувчи маҳсулотлар ишлаб чиқаришни ўзлаштириш, янги савдо йўлаklarини очишда мазкур соҳа вакиллари ташаббус кўрсатмоқда. Самарқанд туманида фаолият юритаётган "Stekloplastik" масъулияти чекланган жамияти ана шундай илғор ишлаб чиқариш субъектлари сирасига кириди.

— Корхонамизда Германия, Хитой каби хорижий мамлакатларнинг энг замонавий асбоб-



укуналари ўрнатилган бўлиб, улар ёрдамида табиёт ҳамда таълим муассасалари учун мебель ва махсус жиҳозлар, шунингдек, спорт анжомлари

ишлаб чиқарилмоқда, — дейди ушбу жамиятнинг бўлим бошлиғи Елена Дубовская. — Металл ҳамда шisha-пластик асосида тайёрланаётган маҳсулотларни

маҳаллийлаштириш кўлами 70 фоизни ташкил этаётгани уларнинг сифати юқори, нархи эса нисбатан арзон бўлишини таъминляпти. Натигада буюрт-

малар ой сайин кўпайиб, йилига 16 — 18 миллиард сўмлик маҳсулотлар етказиб бериляпти.

(Давоми 2-бетда).

### Янгиликлар, воқеалар,

## хабарлар

### Таълим соҳасида ҳамкорлик

#### Фаргона

Германиянинг "Knauf" компанияси кўмаги билан Марғилон қурилиш касб-хунар коллежида ахборот-ресурс маркази ташкил этилди. Ушбу таълим даргоҳига тақдим қилинган турли адабиётлар ва қўлланмалар муассаса ёшлари учун ўзига хос совға бўлди.

— Компаниямиз халқаро қурилиш бозорига катта мавқега эга, — дейди "Knauf" вакили Франц Зацнгер. — Ўзбекистонда ҳам, бир неча йилдики, муваффақиятли фаолият юритиб келаямиз. Мамлакатингиз ёшлари-

нинг ғайрат-шижоати, билим олишга бўлган иштиёқи, интилишларини кўриб уларга ҳавасимиз келади. Мазкур коллежга ўзимизнинг камтарона тухфамизни тақдим этганимиздан мамнунмиз.

Дарвоқе, компания ушбу таълим муассасаси билан самарали ҳамкорлик қилиб келмоқда. Коллеж ўқитувчи ва ўқувчиларнинг бунёдкорлик ишларида инновацион технологияларни қўллаш борасидаги изланишлари Германиялик мутахассисларда катта қизиқиш уйғотаяпти.

Маъмур МУСУЛМОНОВ,  
«Халқ сўзи» мухбири.

### Ишлаб чиқариш компьютер назоратида

#### Бухоро

Бухоро шаҳридаги "Hushbuy Cosmetics" масъулияти чекланган жамияти ўтган йили хорижий буюртмачиларга 15 минг АҚШ доллари миқдоридagi корхоналар сафидан ўрин олганди.

У бундай муваффақиятга фаолиятини бугунги кун талабларини қўриб олишда ташкил этиш эвазига эришди. Чунончи, замонавий корхонада барча жараён компьютерлар воситасида бажарилади. Маҳсулотда учраш эҳтимоли бор бактерияларга эса махсус хоналарда ўрнатилган кварцли лампалар воситасида барҳам берилади. Айни пайтда бу ерда бир тонна атрофдаги хом ашё қайта ишланиб, импорт ўрнини босадиган ўндан зийд турдаги атирсонлар, идиш ювиш воситалари, шампуналар тайёрланмоқда. Корхона жамоаси жорий йилда экспорт салмоғини уч маротаба оширишни мўлжалламоқда.

Истам ИБРОХИМОВ,  
«Халқ сўзи» мухбири.

### Корхона мавқеи мустаҳкамланмоқда

#### Хоразм

Хонқа туманидаги тикувчиликка ихтисослаштирилган "Мадонна" хусусий корхонасида ойига ўртача 100 миллион сўмлик яқин 50 турдан зийд маҳсулот тайёрланапти. Шунингдек, бу ерда замонавий эшик ва дераза ромлари, жалюзилар ҳам ишлаб чиқарилмоқда.

"Мадонна" жамоаси ички бозордаги талаб ҳамда таклифни чуқур ўрганган ҳолда, фаолиятини кенгайтиришга интильмоқда. Яқинда корхона цехларига 200 миллион сўмлик сармоя эвазига янги дастгоҳлар келтириб ўрнатилди. Пировардида маҳсулот сифати ҳам яхшиланди.

— Илғор технологияларни жорий этганимиз самардорлигини таъминламоқда, — дейди корхона раҳбари Бекпошша Қазоқова. — Эндиликда мебелсозлик тармоғини ҳам йўлга қўймоқчимиз. Бу эса ички бозорда ўз мавқеимизни янада мустаҳкамлашга хизмат қилади.

Ойбек РАҲИМОВ,  
«Халқ сўзи» мухбири.

### Табиий ва шифобахш

#### Андижон

Жалакудук туманидаги "Дардга дармон наботат" хусусий корхонасида маҳаллий шариотга мослаштирилган стевия ўсимлигидан шифобахш чой ишлаб чиқарилмоқда.

Айтиш керакки, бундай чой қандли диабет, жигар, буйрак, ошқозон-ичак хасталиklarининг олдини олишда ёрдам беради. Қон босимини меъёрлаштиради. Шунингдек, мазкур ўсимликдан қандолат маҳсулотлари тайёрлашда ҳам фойдаланилади.

— Ўтган йили 107 миллион сўмлик кредит эвазига ишлаб чиқаришни кенгайтирдик, — дейди хусусий корхона раҳбари Яхёбек Ёқубов. — Лабораториямизга эга бўлдик. Қадоклаш цехи ташкил этилди. Туман ҳокимлиги томонидан 5 гектар экин майдони ажратиб берилди. Эндиликда бу ерда топинамбур ва бошқа шифобахш ўсимликларни етиштириш ҳамда шу орқали фаолиятимизни янада ривожлантиришни режалаштираямиз.

Сандаҳмад ШУКУРОВ.



## Маҳалла сайловининг ўзига хос хусусиятлари

Юртимизда фуқаролик жамияти институтлари, хусусан, фуқароларнинг ўзини ўзи бошқариш органлари фаолиятини ривожлантириш, унинг ҳуқуқий асосларини такомиллаштириш ва пировардида "Кучли давлатдан — кучли фуқаролик жамияти сари" тамойилини рўёбга чиқаришга қаратилган кенг қўламли ислохотлар амалга оширилмоқда. Бундай савий-харакатлар туфайли маҳалланинг жамият ҳаётида тутган ўрни ҳамда аҳамияти тобора юксалиб бораёпти.

### КУЧЛИ ФУҚАРОЛИК ЖАМИЯТИ САРИ

Айни чоғда ушбу институт демократик кадрлар, инсон ҳуқуқ ва эркинликлари ҳамда қонуний манфаатларини таъминлашда муҳим аҳамият касб этаётган. Юртбошимиз таъбири билан айтганда, "...бундай ноёб ижтимоий тузилма ҳозирги кунда "Маҳалла — халқ виждони" деган юксак таърифга ҳар тарафлама муносиб бўлиб бормоқда".

Фуқаролар йиғини раиси ва унинг маслаҳатчилари сайлови юртимизда демократик ислохотларни янада чуқурлаштириш ҳамда фуқаролик жамиятини ривожлантириш жараёнида улкан аҳамиятга молик муҳим ижтимоий-сиёсий тадбир саналади. Унинг муҳимлиги, аввало, фуқаролар ўзини ўзи бошқариш органларининг халқ ва давлат ҳаётидаги

алоҳида ўрни, ўтказилаётган кенг миқёсли ислохотларда уларнинг иштироки билан белгиланади. Жадал ривожланаётган ижтимоий ҳаёт, мамлакатимизда амалга оширилаётган кенг қамровли ижтимоий-иқтисодий ислохотлар жараёнида фуқаролар ўзини ўзи бошқариш органларининг фаол иштирокини таъминлаш фуқаролар йиғинлари раисла-

ри ва уларнинг маслаҳатчилари лавозимларига энг муносиб фуқароларнинг сайланишини тақозо этмоқда.

Ўзбекистон Республикаси Олий Мажлиси Сенати Кенгазининг жорий йил 5 мартдаги "Фуқаролар йиғинлари раислари (оқсоқоллари) ва уларнинг маслаҳатчилари сайловида тайёргарлик кўриш ҳамда уни ўтказиш тўғрисида"ги Қарорига мувофиқ, фуқаролар йиғинлари раислари ва улар маслаҳатчиларининг навбатдаги сайловини ўтказиш мuddати 2016 йилнинг май — июнь ойлари этиб белгиланди.

(Давоми 2-бетда).

## Йирик инвестициявий лойиҳалар саноат тармоқлари ривожига хизмат қилапти

Ўзбекистон Республикасининг 2016 йилги инвестиция дастури доирасида йил охиригача "Ўзбекнефтгаз" Миллий холдинг компанияси тизимида умумий қиймати 624,08 миллион АҚШ долларлик тўққизта лойиҳа бўйича ишлар тўлиқ якунланади.

### АНЖУМАН

Натигада автотранспорт воситаларига газбаллон ускуналари ўрнатиш хизматларини кўрсатиш марказлари, 80 минг тонна гранулаштирилган олтингургурт, 8 минг тонна суюлтирилган газ ишлаб чиқариш

объектлари, қуввати 18 МВтга тенг сиқув компрессор станцияси, 6 миллиард кубометр газ тозалаш корхоналари каби йирик ишоотлар ишга туширилиши мўлжалланмоқда. Кеча Тошкент шаҳрида "Ўзбекнефт-

газ" Миллий холдинг компанияси томонидан ўтказилган матбуот анжуманида ана шулар ҳақида сўз юритилди.

Кайд этилганидек, Инвестиция дастурига мазкур компаниянинг 38 та лойиҳаси киритилган бўлиб, уларнинг ижроси учун 20,6 миллиард АҚШ доллари миқдорига сармоя ўзлаштирилади. Шу мақсадда нафақат ички ресурслар, балки тижорат банклари кредитлари, хорижий инвестициялар жалб қилиниши белгиланган.

(Давоми 2-бетда).

### ЭХТИРОМ

"Агар бизнинг куч-қудратимизга шубҳа қилсангиз, биз қурдирган иморатларга боқинг". Бундан етти аср муқаддам Амир Темур амри билан бунёд этилган маҳобатли ва мухташам Оксарой пештоқиға битилган ушбу сўзларни ўқигач, бобокалониимизнинг бунёдкорлик борасидаги бемисл қудрати, юксак даҳоси, асрларга татигулик эзгу ишларини яна бир карра ёдга оласиз.

## Бунёдкорлик ва амалий шижоат самараси

Муҳими, соҳибқирон бошлаб берган улугвор ишлар авлодлар учун ибрат, бунёдкорлик, ободончилик борасидаги кенг қўламли савий-харакатларимиз учун дастуриламал бўлаёпти.

Амир Темур улкан давлат барпо этиш билан бирга, кенг қамровли бунёдкорлик ишларини олиб борган: шаҳарлар, қўрғонлар, карвонсаройлар, бозорлар, рабоблар, суғориш тармоқлари, экинзорлар, бог-роғлар ва яна кўплаб турли ишоотлар қурдирган. Президентимиз Ислам Каримов бобокалониимизнинг ана шу ибратли фаолиятига тўхталиб, "Рўйи заминнинг сайқал бўлмиш Самарқандда, Шаҳрисабз, Бухоро, Тошкент ва соҳибқирон қурган бепоён салтанатнинг бошқа худудларида бунёд этилган ноҳир меъморий обидалар,

тенгсиз боғу роғлар Темурбек бобомизга хос амалий шижоат самарасидир", дея таъкидлагани ҳам бежиз эмас.

Бунёдкорлик ишлари аниқ режа асосида олиб борилган ва улар учта асосий йўналишни ташкил қилган. Булар — шаҳарсозлик, турли обидалар, ободончилик масканлари барпо этиш, хунармандчилик ҳамда халқаро савдо, илм-фан ва маданият ривожини. Шаҳарсозлик фаолиятида маъмурий марказлар, халқаро савдо йўлларидagi шаҳарлар ҳамда шаҳар-қўрғонлар қуришга катта эътибор қаратилган. Маъмурий марказлар сифатида иккита кентнинг нуфузи энг юқори ўринда турарди. Биринчиси Самарқанд бўлса, иккинчиси кўхна Кеш (Шаҳрисабз)дир.

(Давоми 4-бетда).

WWW.XS.UZ

«Халқ сўзи» газетаси сайтида ўқинг

Кучли, билимли ва бахтли авлод

Мавжлар оҳанрабоси

### БИР РАҚАМ ШАРҲИ

2015 йилда юртимизда касб-хунар коллежларининг

480 мингдан ортиқ

битирувчилари иш билан таъминланди.



Таълим муассасалари ва ишлаб чиқариш корхоналари ўртасида мустаҳкам ҳамкорлик йўлга қўйилгани, ёшларни бизнесга кенгроқ жалб этиш тижорат банклари томонидан эса тадбиркорлик фаолиятини ташкил қилиш ниятидаги йигит-қизларга имтиёзли кредитлар ажратилгани бу борада муҳим омил бўлди.



(Давоми. Бошланиши 1-бетда).

Унга кўра, 9764 нафар фуқаролар йиғини раиси ва уларнинг 99 минг нафардан зиёд маслаҳатчиси сайланиши режалаштирилаётган. Шунинг ўзидан мазкур сайлов жараёнида қатнашадиган ҳар бир фуқародан катта масъулият талаб этади.

Айни пайтда “Фуқароларнинг ўзини ўзи бошқариш органлари тўғрисида”-ги Қонуннинг 18-моддасига биноан, фуқаролар йиғини раисининг маслаҳатчилари фуқаролар йиғини фаолиятининг асосий йўналишлари бўйича комиссияларга ҳам раҳбарлик қилиши мумкинлиги, фуқаролар ўзини ўзи бошқариш органлари зиммасига юклатилган кенг қамровли вазифалар ижросини таъминлаш эса уларда фаолият кўрсатадиган ҳар бир жамоатчилик комиссияси иштини самарали ташкил этиш билан уз-

Ўзбекистон Республикасининг “Фуқаролар йиғини раиси (оксоколи) ва унинг маслаҳатчилари сайлови тўғрисида”ги Қонунига кўра, сайловни ташкил этиш ва ўтказиш бўйича ишчи гуруҳлар ҳамда кўмаклашувчи комиссиялар сайловда иштирок этиш ҳуқуқига эга бўлган фуқароларнинг қонуний манфаатларини ва тенг сайлов ҳуқуқи принципларига риоя этилишини таъминлашда муҳим ўрин эгаллайди. Бу борада кўмаклашувчи комиссиялар белгиланган вакиллик нормаси асосида

# Йирик инвестициявий лойиҳалар

## саноат тармоқлари ривожига хизмат қилаяпти

(Давоми. Бошланиши 1-бетда).

Хусусан, шу йилдан эътиборан 16,3 миллиард долларлик чет эл сармояси иштирокида 14 та лойиҳа ҳаётга татбиқ этилаяпти. Уларда геологик-қидирув ишларини олиб бориш, углеводородлар қазиб чиқариш ва қайта ишлаш ҳамда қўқайтириш, янги мажмуаларни барпо қилиш, полимер ҳамда бошқа маҳсулотлар тайёрлаш каби муҳим йўналишлар фаолиятининг асосий йўналишлари бўлиб қолмоқда.

Таркибида бешта завод фаолият юритадиган мажмуанинг илк маҳсулотлари экспорт қилина бошлангани, айниқса, қувонарлидир. Хусусан, Полимерлар заводида тайёрланаётган полипропилен 2015 йилнинг декабри ойидан чет эллик буюртмачиларга жўнатилаётган.

“Сурғил” кони негизда барпо этилган Эусторт газкимё мажмуасида ишлаб чиқаришни лойиҳа қувватига етказиш ва конни ободонлаштиришга доир лойиҳа эса кўлами жиҳатдан ниҳоятда улканлиги билан ажралиб туради.

Соҳа мутахассислари ҳамда чет эллик экспертлар бу объектни дунёдаги энг замонавий, юқори технологиялар асосида ишлайдиган йирик корхоналардан бири сифатида эътироф этишаётгани ҳам бежиз эмас. Чунки ушбу мажмуанинг умумий қиймати 4 миллиард доллардан ошди. Бу ерда қурилиш ишлари ўтган йили

Сайд РАҲМОНОВ, «Халқ сўзи» мухбири.

# Импорт ўрнини босади

### Сирдарё

Боёвут туманидаги “Жамол Шер омад” хусусий фирмасида ишлаб чиқариш ҳам йўлга қўйилган, олинаётган даромад микдори ортди. — Фаолиятимизни дастлаб хизмат кўрсатишдан бошлагандик, — дейди корхона раҳбари Отабек Худойбердиев. — Банкининг 90 миллион сўмлик кредити ҳисобига хориждан кир ювиш воситалари тайёрлашга мўлжалланган технология сотиб олдик. Ҳозир

икки турдаги ана шундай маҳсулотни қадоқланган ҳолда ички бозорга етказиб бераёламиз. Дарҳақиқат, мазкур цехда айни пайтда маҳаллий хом ашё асосида кунига 500 килограммгача юқори сифатли, импорт ўрнини босувчи кир ювиш кукунни ишлаб чиқарилаётган. Корхона қошида замонавий ашик ва дераза ромлари ясашқа ихтисослаштирилган янги тармоқни ташкил этиш борасида ҳам сайҳ-харакатлар олиб борилаётган.

Аҳмадали ШЕРНАЗАРОВ, «Халқ сўзи» мухбири.

# Малакали мутахассис ишсиз қолмайди

### Наманган

Бахриддин Шамсидинов — бу йил Наманган муҳандислик-технология институти битиради. Шунинг учун у яқинда олий ўқув ўрнинеда ўқизилган “Карьера кунлари — 2016” меҳнат ярмаркасида қатнашди. Бўш иш ўринларини тақдим этган корхоналарнинг кўргазмалари билан яқиндан танишди. Чуст туманидаги “Сероб сут” масъулият чекланган жамиятига унинг йўналишидаги мутахассис керак экан. Корхона раҳбари Одилжон Муллажонов билан батафсил суҳбатлашди. Бўлажақ муҳандис-технологнинг билими ва малакаси иш берадиганга маъқул туюлди. Ўзаро мулоқотдан сўнг қелишувга эришилди. Эндиликда Бахриддин олий таълим муассасасини тугатган, ушбу корхонада иш бошлади.

Таъқидлаш керакки, меҳнат ярмаркасида 60 дан ортиқ корхона ҳамда муассасалар иштирок этиб, талабаларга ўзларида яратилган меҳнат шaroитлари, касб малакасини ошириш учун мавжуд имкониятлар ҳақида маълумот бердилар. — Олий ўқув юртимизни бу йил 508 нафар йигит-қиз битириб, бакалавр ва магистр дипломига эга бўлади, — дейди институт маркетинг хизмати бўлими бошлиғи Барқамол Ибрагимов. — Улар орасида иқтисодиёт, маркетинг, енгил саноат буюмлари конструкциясини ишлаш ва технологиясини, қишлоқ хўжалик маҳсулотларини сақлаш ва дастлабки ишлаш технологиясини, метрология, стандартлаштириш ва маҳсулот сифат менежменти каби ўндан зиёд йўналишлар бўйича мутахассислар бор. Меҳнат ярмаркасида шу кунга 150 дан ортиқ уч томонлама шартномалар имзоланди.

Нурбек АБДУЛЛАЕВ.

# Марказ фойдаланишга топширилди

### Қашқадарё

Муборак туманида “Сардоба” маданият ва аҳоли дам олиш маркази фойдаланишга топширилди. — дейди марказ директори Фозил Мадиев. — 300 ўринли залимизда турли маданий-маърифий тадбирларни ўтказиш мумкин. Буларнинг барчаси халқимиз, айниқса, ёшлар маънавиятини юксалтириш, билимини бойитиш, истеъдод ҳамда қобилиятини юзага чиқаришга қаратилган эзгу сайҳ-харакатларнинг амалий ифодасидир.

Аҳад МУҲАММАДИЕВ, «Халқ сўзи» мухбири.

# Маҳалла сайловининг ўзига хос хусусиятлари

Этиш ҳамда ўтказиш ошқо-ралик, муқобиллик, тенг сайлов ҳуқуқи принциплари асосида амалга оширилади. Яъни фуқаролар йиғини раиси ва унинг маслаҳатчилари сайловини ташкил этиш ҳамда ўтказиш очик ва ошқо-ралик билан бўлади. Ушбу сайлов ташкил этилаётганда фуқаролар йиғини (фуқаролар вакилларининг йиғилиши) ўтказиладиган сана, вақт ва жой тўғрисида фуқаролар воқиф этилади, фуқаролар йиғини раиси ҳамда унинг маслаҳатчилари лавозимига номзодлар ҳақида, овоз бериш яқунлари тўғрисида хабардор қилинади. Бу жараёнда олмайди ахборот воситаларида ёритиб борилади.

Муқобиллик принциплари, ўз навбатида, фуқаролар йиғини раиси ва унинг маслаҳатчилари сайлови фуқаролар йиғини раиси ҳамда унинг маслаҳатчилари лавозимига икки ва ундан кўп номзод кўрсатган ҳолда амалга оширилади.

Ишчи гуруҳлар томонидан ҳудуддаги уйлар ҳамда кўчалар аҳолисининг фуқаролар вакиллари сайлови бўйича ташкил қилинадиган умумий йиғилишларида сайловда иштирок этиш ҳуқуқига эга бўлган фуқароларнинг тўлақонли қамраб олинишига эътибор қаратилиши муҳим ҳисобланади.

Бундан ташқари, вакилларнинг ҳам 2,5 йил муддатга сайланиши ва фуқаролар йиғини ваколатига кирувчи масалаларни кўриб чиқишда, муҳокама қилишда ва ижросини таъмин-

Умуман олганда, фуқаролар ўзини ўзи бошқариш органлари сайлови иштирокчилари томонидан амалдаги қонун ҳужжатлари талабларига оғишмай риоя этилишини таъминлаш энг муҳим омиллардан ҳисобланади. Зеро, сайловни Қонунга мувофиқ, юксак ташкилий ҳуқуқий ва демократик руҳда ўтказиш фуқаролар ўзини ўзи бошқариш органларининг фуқаролар жамияти институтлари тизимидаги ўрнини мустаҳкамлашга, “Кучли давлатдан — кучли фуқаролик жамияти сари” тамойилидан кўзаланган мақсадларни рўёбга чиқаришга хизмат қилади.

Зафар РҲЗИЕВ, Ўзбекистон Республикаси Президенти ҳузуридаги Амалдаги қонун ҳужжатлари мониторинги институти бош илмий ходими.

# ЗАМОНАВИЙ, СИФАТЛИ ВА ЭКСПОРТБОП маҳсулотлар тайёрлашга кичик бизнес ҳамда хусусий тадбиркорлик субъектлари ҳам муносиб ҳисса қўшмоқда



(Давоми. Бошланиши 1-бетда).

Бугунги кунда корхонада 300 хилдан ортиқ маҳсулотлар, шу жумладан,

65 турдаги спорт жиҳозлари тайёрланмоқда. Шундан 31 хилли Маҳаллийлаштириш дастури доирасида ишлаб чиқариш

ўзлаштирилгани диққатга сазовор. Уларга нафақат ички бозорда, балки хорижда ҳам талаб юқори. Ўтган йили 6 минг

248 АҚШ долларилик спорт анжомлари экспорт қилинган бунга мисол бўла олади.

Айни пайтда жамиятнинг 100 кишилик жамоаси импорт ўрнини босувчи маҳсулотлар тайёрлаш кўламини янада кенгайтириш устида ишланмоқда. Шу мақсадда чет элдан металлга чўқур қайта ишлов берувчи ускуналар олиб келиш сайҳ-харакати бошлаб юборилди. Мазкур лойиҳа рўёби эса ҳудуд саноатини тараққий эттириш, ички бозорни рақобатдош маҳсулотлар билан тўлдирди, экспортда кўшимча қийматга эга товарлар улушини кўпайтиришга хизмат қилиши билан янада аҳамиятлидир.

Мамадӣёр ЗИЁДИНОВ, «Халқ сўзи» мухбири, Шоҳрур ШАРАФОВ олан суратлар.

# ҚУЛАЙЛИК

Тўртқул туманидаги “Алкен мебель” масъулияти чекланган жамиятида йўлга қўйилган қулайлик аҳолининг корхона маҳсулотларига бўлган қизиқишини янада оширмоқда. Гап шундаки, бу ерда ёш оилалар учун мебель жамламалари имтиёзли нархларда сотиляпти.

# Ёш оилаларга имтиёз

— Банкининг 200 миллион сўмлик молиявий кўмаги маҳсулотларимиз сифати ва тури ошишига ижобий таъсир кўрсатди, — дейди МЧЖ раҳбари Музаффар Курбоннӣёзов. — Негаки, ушбу кредит ҳисобига хориждан ёғочга ишлов берувчи, прессловчи, ҳар хил нақшалар солувчи замонавий дастгоҳлар келтириб ўрнатдик. Ҳозир идора ҳамда уй-рўзғор учун мўлжаллаб ишлаб чиқарилаётган 20 турдан зиёд мебелларимиз ички бозорда ўз ўрнини топиб улғурди.

Айтиш жоизки, “Alkendoor” савдо белгиси билан маҳсулот тайёрланаётган ушбу корхонада касбухунар коллежлари битирувчиларидан 20 нафари доимий иш билан таъминланди.

Ҳидоят АҲМЕДОВ, «Халқ сўзи» мухбири.

# Жаҳон бозорига кенг йўл

Бугунги кунда кичик бизнес ва хусусий тадбиркорлик субъектлари иқтисодиётимизнинг танчан кучларидан бирига айланиб бормоқда. Ўртимизда яратилган қулай ишбилармонлик муҳити, тадбиркорларга берилаётган турли имтиёзлар уларга нафақат ички бозорга, балки жаҳон бозорига дадил кириб бориши учун кенг йўл очаяпти.

## ИСЛОҲОТ

Зеро, Президентимиз мамлакатимизни 2015 йилда ижтимоий-иқтисодий ривожлантириш яқунлари ва 2016 йилга мўлжалланган иқтисодий дастурнинг энг муҳим устувор йўналишларига бағишланган Вазирлар Маъжамасининг кенгайтирилган мажлисидаги маърузасида “Ана шу йўналишдаги ислохотлар натижасида ялпи ички маҳсулотимизда кичик бизнес ва хусусий тадбиркорликнинг улуши 2000 йилдаги 31 фоиздан бугунги кунда 56,7 фоизга етгани ёки 1,8 баробар ошганини алоҳида таъкидлашни истардим. Ҳозирги пайтда ушбу соҳада жами саноат маҳсулотларининг учдан бир қисми, қишлоқ хўжалиги маҳсулотларининг 98 фоизи ишлаб чиқарилаётган. Иш билан банд жами аҳолимизнинг 77 фоиздан ортиғи — шунга

эътибор беринг — мазкур тармоқда меҳнат қилаётгани, ўз пешона тери билан нафақат ўз оиласини боқаётгани, балки мамлакатимиз бойлигига бойлик қўшаётгани, аввало, мустақиллик бизга очиб берган имкониятларнинг аққол исботи, десам, айни ҳақиқатни айтган бўлман”, деб таъкидлагани бежиз эмас.

Ўртимиз равнақи йўлида астойдил меҳнат қилаётган ишбилармонларимиз сайҳ-харакати билан бугун “Ўзбекистонда ишлаб чиқарилган” бренди остида тайёрланаётган маҳсулотлар дунё бозорига тобора шўхрат қозонмоқда. Жумладан, биргина ўтган йилнинг ўзида Жамғармамиз томонидан 3213 та тадбиркорлик субъектига маҳсулот ва хизматларни экспорт қилиш учун ташкилий,

ҳуқуқий ҳамда молиявий хизматлар кўрсатилгани натижасида тадбиркорларимиз 1 миллиард 45 миллион АҚШ долларилик экспорт амалиётини бажаришди.

Қачонки, тадбиркор ўз маҳсулотини халқро барқандорларга мос равишда тайёрлаб, хизматларини шунга ҳамроҳан тарзда ташкил этсагина, жаҳон бозорига чиқа олади. Шу боис ўтган йили ушбу омилларга ҳам алоҳида эътибор қаратилиб, 27 та ишлаб чиқариш корхонасида халқро ISO стандарти бўйича сифат бошқаруви тизими жорий қилинди.

Бундан ташқари, юртимизнинг 192 нафар ишбилармони халқро кўргазма ва анжуманларда қатнашиб, 135 миллион долларлик экспорт келишувига эришди. Аниқроғи, улар Жанубий Корея, Хитой, Япония, Германия сингари давлатларда ўтказилган “Савдо-туризм роуд шоу”, “Яшил ҳафталик” каби нуфузли халқро тадбирларда ўз салоҳиятини намойиш этиб, юртимизда тайёрланаётган маҳсулотларни дунё аҳлига тақдим қилишди.

Таҳлилларга кўра, ҳозирги шарафати ва кўрсатилиши билан жаҳон бозорига янги ишлаб чиқариш технологиясини

ана шулар сирасига киритиш мумкин.

Гап шундаки, жорий технология ёрдамида биринчи марта анчик анордан хуштам табиий маҳсулот олишга эришилди. Негаки, анчик анорда кислота микдори юқори бўлади. Шу боис бундай шарбат кўпинча ширин анордан олинади. Ушбу ичимликка эса Европа, Осиё, умуман, дунё миқёсида талаб юқори.

Яна бир эътиборли жиҳати, янги технология асосида бошқа турдаги мевалардан ҳам шарбат олиш мумкин. Қолаверса, у анча тежамкор ҳисобланади.

Шу билан бирга, Жамғармамиз томонидан фермер хўжаликлари билан ҳамкорликда боғдорчилик ва мева-сабзавотчиликка ихтисослаштирилган туманларда янги агрофирмалар ташкил этиляптики, бу маҳсулотларни йил давомида сархил сақлаш ҳамда хорижлик харидорларга етказиб бериш имконини ошираяпти. Буларнинг барчаси иқтисодиётимиз барқарорлиги, турмушимиз фаровонлигини таъминлашга хизмат қилаётгани билан аҳамиятлидир.

Қамолiddин НУРМАТОВ, Кичик бизнес ва хусусий тадбиркорлик субъектларининг экспортини қўллаб-қувватлаш жамғармаси директорининг ўринбосари.

# Ўзбекистон Республикаси Марказий банки ахбороти

Ўзбекистон Республикаси Марказий банки 2016 йил 5 апрелдан бошлаб валюта операциялари бўйича бухгалтерия ҳисоби, статистик ва бошқа ҳисобларни юритиш, шунингдек, божхона ва бошқа мажбурий тўловлари учун хорижий валюталарнинг сўмга нисбатан қўйидаги қийматини белгилади:\*)

|                         |         |                    |         |
|-------------------------|---------|--------------------|---------|
| 1 Австрали доллары      | 2198,91 | 1 Украина гривнаси | 110,41  |
| 1 Англия фунт стерлинги | 4099,75 | 1 Малайзия рингити | 743,34  |
| 1 Дания кронаси         | 440,72  | 1 Польша злотийси  | 771,62  |
| 1 БАА дирҳами           | 784,85  | 1 СДР              | 4062,07 |
| 1 АҚШ доллари           | 2882,68 | 1 Туркия лираси    | 1021,54 |
| 1 Миер фунти            | 324,63  | 1 Швейцария франки | 3008,43 |
| 1 Исландия қронаси      | 23,43   | 1 Евро             | 3249,58 |
| 1 Канада доллари        | 2209,63 | 10 Жанубий         |         |
| 1 Хитой юани            | 445,02  | Корея вони         | 25,09   |
| 1 Россия рубли          | 42,93   | 10 Япония иенаси   | 258,65  |

\*) Валюта қийматини белгилаш чоғида Ўзбекистон Республикаси Марказий банки мазкур валюталарни ушбу қийматда сотиш ёки сотиб олиш мажбуриятини олмасан.

ЖАХОН 24 СОАТ ИЧИДА

Электроника маҳсулотлари ишлаб чиқарувчи "Sharp" (Япония) корпорациясининг 66,6 фоизлик акциялар пакетига эгаллик ҳуқуқини Тайваннинг "Foxconn Technology Group" компанияси сотиб олапти.

Акцияларини сотиб олди



Бунинг учун харидор қарийб 3,5 миллиард АҚШ доллари тўлайдиган бўлди. Бундан юз йил олдин

механик қаламлар чиқариш орқали ўз фаолиятини бошлаган "Sharp" ўтган даврда суюқ кристалл экранли телевизорларни етказиб бериш бўйича жаҳонда етакчи ўринлардан бирига кўтарилган. Буни қарангки, "смарт-фонлар инқилоби" уни инкирозга олиб келди.

Қизиқарли тадқиқот

Океанортидаги тўртта университет олимлари биргаликда "Дўконга боришдан олдин зарур маҳсулотлар номини қозоғга тушириб олган маъқулни ёки хотирада сақлаган афзалми?" деган савол юзасидан тадқиқот ўтказишди.

Бунинг учун 700 нафар харидор танлаб олинди. Уларнинг бир гуруҳига сотиб олинмаган йигирма турдаги мева ва सबзавот номи ёзма тарзда берилди. Қолганларга эса шулар оғзаки айтилди. Натижада қўлида эслатмаси борлар топшириқни тез ҳамда аниқ бажаришди. Фақат хотирага ишонганларда бу кўрсаткич нисбатан камлиги аниқланди. Хулоса: бизор-ўчарга зарур товарлар номи туширилган рўйхат билан боринг.

Таркибини аниқлайдиган қурилма

"Озик-овқат маҳсулотлари таркибини аниқловчи сканер яратилди", дея хабар қилинади "Washington Post" нашрида.



Мазкур қурилма маҳсулот таркиби, хусусан, унда қанча микдорда витамин, қанд ва бошқа

моддалар борлиги ҳамда егуликнинг сақланиш муддатларини кўрсатиб беради. Ўз навбатида, у нон маҳсулотларидаги оқсил ҳажмини ҳам аниқлай олади. Ушбу кашфиёт, айниқса, қандли диабет касаллигига чалинган одамлар учун жуда асқатади.

Ялпиз, апельсин...

Жорий йил мода оламида ёрқин қизил, ялпиз, олов, апельсин, нефрит, неон, оч кўк ва сиёҳ ранглар яна урфга қиради. Бу ҳақда "Vogue" нашри хабар берди.

Айни пайтда "Moschino", "Akris", "Hermes" каби машҳур брендлар ана шу туслар кенг қўлланилган янги коллекцияларини намойиш этаяпти. Мазкур жабҳага ихтисослаштирилган Пантон институти томонидан аниқланишича, бу мавсумда ёрқин чақмоқтош ва оч само ранглари ҳам кенг оммалашади.

«Маслаҳатчи» билагузук

"Ringly" компанияси томонидан жисмоний фаолликни назорат қилувчи "ақлли" билагузук яратилди.



Замонавий ахборот-коммуникация ютуқларини ўзига уйғунлаштирган мазкур тақинчоқ зар-

гарлик нўқати назаридан ҳам нафисдир. Сабаби, унинг турлари ичида яримқимматбаҳо тошлар билан безатилганлари ҳам бор.

Ушбу буюм қадамлар сони, босиб ўтилган масофа, сарфланган калорияни ҳисоблаб, тегишли тавсиялар беради. У бир марта қувват олдирилса, 24 — 28 соат ишлайди.

Энг бой собиқ спортчилар

"Forbes" журналы тузган рейтинг бўйича, АҚШлик машҳур баскетболчи Майкл Жордан профессионал фаолиятини яқунлаганлар орасида энг кўп ҳақ оладиган спортчи сифатида эътироф этилди.

У ўтган йили реклама роликларида суратга тушгани учун 110 миллион доллар ишлаб топган. Иккинчи ўринни 2013 йилда бутсисини "михга илган" англиялик футболчи Дэвид Бекхэм эгаллаган. Унинг бу борадаги даромади 65 миллион долларни ташкил қилган. Учинчи поғонадан таниқли гольфчи Арнольд Палмер жой олди. Эътиборлиси, у узок йиллик фаолияти давомида 1,8 миллион доллар топган бўлса, ўтган йилда рекламалардаги чиқиси учун 40 миллион доллар эгасига айланди. Аёллардан биргина хитойлик Ли На рўйхатга киритилди. Икки йил олдин катта спортдан кетган ракетка устаси ҳисоб рақамига 2015 йилда 14 миллион доллар келиб тушган.

Хориж матбуоти хабарлари асосида тайёрланди.

Мусаффо ҳаво, гўзал манзаралар

Ҳар йили баҳорда юртимизда кенг кўламли ободонлаштириш ва кўкаламзорлаштириш ишлари олиб борилади. Натижада шаҳару қишлоқларимиз боғ-роғларга, яшилликка бурканмоқда. Шу кунларда манзарали ва мевали дароҳт кўчатлари, анвойи гуллар экиш тадбирлари янада қизгин тус олган. Сабаби, қуёш ҳамал буржига оған ҳозирги пайтда ўтказилган ниҳол беҳато униб чиқади. Халқимиз "Ҳамал кирди — амал кирди", деб бежиз айтмайди-да!

КўКАЛАМЗОРЛАШТИРИШ

Президентимизнинг "2016 йилги Наврўз умумхалқ байрамига тайёргарлик кўриш ва уни ўтказиш тўғрисида"ги қарорига ҳам деҳқончилик мавсумининг бошланиши, яшариш ҳамда янгиланиш, кут-барак, ободлик ва фаровонлик рамзи бўлиши Наврўз фаслида маҳаллаларда, шаҳару қишлоқларимизда ҳашарлар, кенг кўламли ободончилик ҳамда кўкаламзорлаштириш ишларини ташкил этиш бўйича аниқ вазифалар белгилаб берилгани, айниқса, бу борадаги ишларга янги раҳбарлик қилишга ҳусусиятларга эгаллиги билан диққатга сазовор. Шу боис яшил ҳудудлар яратишда манзарали ҳамда шифобахш бўлган япон софораси, каштан, Қрим қарағайи, лоса дарахти, унаби (чилонжийда) каби дароҳт кўчатлари ўтказилапти.

Лола дарахти улар орасида энг кўрам ва ўзгача жозибаси билан ларда янги боғлар барпо қилиш билан бирга, автомобиль йўллари, ижтимоий соҳа объектилари, мамырий бинолар, саноат корхоналари атрофларини ландшафт дизайни асосида кўкаламзорлаштиришга алоҳида эътибор қарантилаяпти. Яъни ҳар бир туп дарахт ёки бута теварак-атрофдаги бино ва иншоотлар кўринишига уйғунлашиб, яхлит манзара касб этаяпти. Бундан ташқари, улар атмосфера ҳавосини тозалаш, шовқин-суронни камайтириш, қолаверса, шифобахш хусусиятларга эгаллиги билан диққатга сазовор. Шу боис яшил ҳудудлар яратишда манзарали ҳамда шифобахш бўлган япон софораси, каштан, Қрим қарағайи, лоса дарахти, унаби (чилонжийда) каби дароҳт кўчатлари ўтказилапти.

алоҳида ажралиб туради. Бу дароҳт баланд бўлиб ўсиши, худди лолани эслатувчи камалакранг тусдаги гуллари билан барчани мафтун этади. Аммо унинг кўчатини етиштириш осон эмас. Юртимизда ушбу ноёб турнинг иқлим шароитимизга мослаштирилгани, ҳатто кўчатчилиги йўлга қўйилгани айни муддао бўлаётир. Ҳар бир ўрмон хўжалигида маҳсул кўчатзорлар ташкил этилгани шу каби ноёб дароҳт ниҳолларини етиштиришда кўл келаяпти.

Каштан ҳам лола дарахти сингари ўта фусункор наботот намунаси. Унинг гуллаш даврини ақалли бир бора кўрган киши бунга ишонч ҳосил қилади, албатта. Шамларини эслатувчи гуллари бамисоли нуллари порлаб турган улкан қандилга ўхшайди. Шунинг учун бу дароҳт кўчатини сайилгоҳ ва турли истироҳат боғларида экиш урфга айланмоқда. У 200 — 300 йилгача яшаши, бизнинг шароитда зараркунданлар билан деярли зарарланмаслиги эса эътиборга молиқдир. Индизлари мустаҳкамлиги туфайли кучли шамол эсадиган ҳудудларда ҳам бемалол ўсаверади.

Мамлакатимизнинг қисман шўрланган ёки шўрланишга мойил ҳудудларида қўктерак, қоратол, жийда, қайрағоч, заранг, шумтол, акация, тут, наъматак каби дароҳт ва буталар ниҳолларини ўтказиш

тавсия этилса, тоғли ҳудудларда арча, бодом, pista, экин май-донлари четларига эса терак ҳамда бошқа тез ўсувчи дароҳт кўчатларини қандаш мақсадга мувофиқдир.

Мутахассисларнинг таъкидлашича, иҳота дароҳтзорлари ён-атрофдаги экинларни кучли шамолдан ҳимоя этибгина қолмасдан, балки қулай микроклим ҳосил қилади. Яъни намликни ошириб, ирригация тармоқлари ва тупроқ юзасида буғланишни камайтиради.

Бу хали ҳаммаси эмас. Кўп йиллик қузагишларга қараганда, иҳота дароҳтзорлари ўтказилган далаларда ёз ойларида ҳаво ҳарорати 2,9 — 3,5 даража паст, нисбий ҳаво намлиги 3 — 20 фоиз юқори бўлади. Шунингдек, бир гектар ердаги япроқли дароҳтлар йилга 5 тонна карбонат ангидрид газини ютиб, 100 тоннагача чангни тутиб қолади. Бу каби омиллар микроклимни яхшилаб, экинлар беравж ривожланиши, ҳосил тез етилишини таъминлайди.

Дароҳтзорларнинг биологик дренаж сифатидаги вазифаси ҳам гоятда беқиёс. Чунки улар индизлари билан чуқур қатламлардаги сизот сувларини сўриб олиб, зах кўтарилиши, тупроқ шўрланиши ҳамда ботқоқланишининг олдини олади. Бу биомелиоратив омил

юртимизнинг шўрланишга мойил ҳудудлари учун ниҳоятда муҳим.

Кўчат экиб, боғ яратиш — халқимизга хос эзгу фазилат. Миллий удулларимизга кўра, оилада ўғил бола туғилса, унга атаб ниҳол экилади. Соғлом она ва бола йилида ушбу эзгу анъана янада кенг кўламли касб этмоқда.

Гап шундаки, ҳар бир юртдошимиз энг улғу, энг азиз байрамимиз бўлган давлатимиз мустақиллигининг 25 йиллигига атаб, "Мустақилликка менинг тўғам" шиори остида 25 тупдан кўчат эймоқда. Натижада тураржойлар ва маҳаллалар яшилликка бурканиб, янги боғ-роғларга асос солинаяпти. Бу эзгу ишлар ҳашар йўли орқали бажарилаётгани, айниқса, қувонарлидир.

- Қаердаки, дароҳт экилса, ўша жойда ободлик, гўзаллик, кут-барак ва фаровонлик бўлади. Шу маънода, бугун ўтказилаётган ниҳоллар тез орада улкан дароҳтларга айланиб, хонадонларда фойзу баракка янада ортиши, аҳоли саломатлиги мустаҳкамлишига хизмат қилиши шубҳасиз.

Ҳожимурод ТОЛИПОВ, Ўзбекистон Республикаси Қишлоқ ва сув хўжалиги вазирлиги ўрмон хўжалиги бош бошқармасининг бўлим бошлиғи.

РЕКЛАМА ВА ЭЪЛОНЛАР

«REPUBLIKA MULK MARKAZI» АЖ
хўжалик жамиятлари устав фондидаги улушлар, асбоб-ускуналар, автомобилотранспорт воситалари ва бошқа турдаги мулкларнинг оммавий савдоларига тақлиф қилади.
Телефонлар: (0-371) 228-79-52, 228-80-31. www.rmm.uz

«Navoiy mulk markazi» МЧЖ
бошланғич баҳоси босқичма-босқич ошиб бориш тартибида ўтказиладиган очиқ аукцион савдосига тақлиф этади.
Аукцион савдосига Қармана тумани СИБ томонидан ФИБ Яққасарой туманлараро судининг 2015 йил 13 июлдаги 1-2299-2300-2301/15-сонли ижро варақасига асосан хатланган, МЧЖ шаклидаги «Uz-Kor-Silikon» қўшма корхонасига тегишли бўлган асбоб-ускуналар қўйилмоқда.
Бошланғич баҳоси — 1 230 115 000 сўм.
Аукцион савдоси 2016 йил 6 май кунни соат 10.00 дан бошлаб ўтказилади.

«CAPITAL REALTOR GROUP» МЧЖ
очиқ аукцион савдосига тақлиф этади.
«Capital realtor group» МЧЖ Самарқанд филиалида 2016 йил 6 май кунни соат 11.00 да бошланғич баҳоси босқичма-босқич ошиб бориш тартибида бўлиб ўтадиган аукцион савдосига қуйидаги кўчмас мулклар қўйилмоқда:
1. Тайлоқ тумани СИБ томонидан Самарқанд вилояти хўжалик судининг 2015 йил 21 майдаги 14-1505/4039-сонли ижро варақасига асосан хатланган, Тайлоқ тумани, Яланғоч маҳалласида жойлашган, ер майдони 1879,62 кв.м., қурилиш ости майдони 281 кв.м. бўлган қишлоқ клуби биноси.
Бошланғич баҳоси — 85 355 000 сўм.
2. Самарқанд шаҳар СИБ томонидан Самарқанд вилояти хўжалик судининг 2014 йил 15 декабрдаги 14-1417/12841-сонли ижро варақасига асосан хатланган, Самарқанд шаҳри, Бедали кўчаси, 19-уйда жойлашган, ер майдони 11623,58 кв.м., қурилиш ости майдони 6888,24 кв.м. бўлган бино-иншоотлар.
Бошланғич баҳоси — 2 245 570 000 сўм.

«CAPITAL REALTOR GROUP» МЧЖ
очиқ аукцион савдосига тақлиф этади.
«Capital realtor group» МЧЖ Фарғона филиалида 2016 йил 26 апрель кунни соат 14.00 да бошланғич баҳоси босқичма-босқич ошиб бориш тартибида бўлиб ўтадиган аукцион савдосига қуйидаги кўчмас мулклар арзонлаштирилган нарҳда тақоран қўйилмоқда:
I. Қўқон шаҳар СИБ томонидан ЖИБ Фарғона вилояти судининг 2010 йил 10 августдаги 2-58/10-сонли ижро варақасига асосан хатланган:
1. Қўқон шаҳри, 63-МФЙда жойлашган, ер майдони 2376,83 кв.м., қурилиш ости майдони 2068,38 кв.м., фойдаланиш майдони 134,59 кв.м. бўлган, автокемпинг таркибидида, 0001 — 0011-литерлардаги АЕКШ ва АГҚШ бино-иншоотлари ҳамда ҳовуз, металл дарвоза, пишиқ гиштдан девор, асфальт-бетон майдон.
Бошланғич баҳоси — 99 518 432 сўм.
2. Қўқон шаҳри, 22-МФЙ, Истиклол кўчаси, 16-уйда жойлашган, қурилиш ости майдони 844,53 кв.м., фойдаланиш майдони 956,11 кв.м. бўлган, 0001 — 0005-литерлардаги қандолатчилик цехи, омборхона, меҳмонхона, офис (1-босқич).
Бошланғич баҳоси — 513 000 000 сўм.
II. Тошлоқ тумани СИБ томонидан Фарғона вилояти хўжалик судининг 2015 йил 18 декабрдаги 15-1504/23182-сонли ижро варақасига асосан хатланган, Тошлоқ тумани, Тўхтабеве номидаги ҚФЙ, Заркент маҳалласида жойлашган, ер майдони 1234,78 кв.м., қурилиш ости майдони 1047,45 кв.м., фойдаланиш майдони 672,12 кв.м. бўлган, 0001 — 0004-литерлардаги савдо дўкони.
Бошланғич баҳоси — 312 500 000 сўм.
Аукцион савдосида қатнашиш истагидаги талабгорлардан аризалар иш кунлари соат 10.00 дан 18.00 гача қабул қилинади ва 2016 йил 22 апрель кунни соат 17.00 да тўхтатилади.
Юқоридаги кўчмас мулклар билан тегишли туман (шаҳар) суд ижрочилари бўлими вакили иштирокида бевосита жойига чиқиб танишиш мумкин.
Талабгорлар кўчмас мулк бошланғич баҳосининг 30 фоизидан кам бўлмаган миқдордаги закалат пулини тўлов ҳужжатига ижро ҳужжати рақами ва санасини кўрсатган ҳолда, ҳар бир мулк учун алоҳида тартибда савдо ташкилотчиси — «Capital realtor group» МЧЖнинг АТ «Капиталбанк» Мирзо Улуғбек филиалидаги қуйидаги ҳисоб рақамига тўлашлари шарт: 20208000204927571003, МФО: 01018, СТИР: 207126662.
Манзил: Фарғона шаҳри, Бурҳониддин Марғиниёв кўчаси, 58-уй, 1-қават.
Телефонлар: (+99873) 244-60-09, (+99890) 231-38-59.
Хизматлар лицензияланган.

HIKVISION smart
Интеллектуальные IP-камеры, совмещенные с ТЕПЛОВИЗОРОМ
Ведение наблюдения в абсолютной темноте и любых погодных условиях.
Автоматическое слежение и подача сигнала тревоги в случае нарушения границ.
Наблюдение сквозь запыленный воздух, дым и листву.
Интеграция в системы безопасности «Граница».
Товар сертифицирован
Тел. (0-371) 238-99-99. Факс (0-371) 237-29-77. www.hikvisionsmart.uz info@hikvisionsmart.uz

# Бунёдкорлик ва амалий шижоат самараси



(Давоми. Бошланиш 1-бетда).

Кўп жиҳатдан Самарқанд кулай бўлганлиги сабабли, соҳибқирон ушбу шаҳарни пойтахт учун танлади. Шарафиддин Али Яздий ҳам "Зафарнома" асариди бу ҳақда: "...ул муборак шаҳарни давлат байрогининг марказига айлантириб, пойтахт қилди. Шаҳар кўрғонининг қалъасини қуришга, олий иморатлар ва тиллакори қасрлар барпо этишга фармон берди..."

Тез орада Самарқанд, ул динпарвар жаҳондорнинг ҳукмронлиги ва адолати бахтига, ўта ободлигидан, (унда) яшовчи аҳолининг кўплигидан дунёнинг яқин ва узоқ (ўлка)ларидан келиб-кетувчиларнинг серкатновлигидан

энг олий даражага етди", деб ёзган.

Самарқандга ташриф бўлган Кастилия қироли элчиси Руи Гонсалес де Клавихо бу ҳақда: "Шаҳар боғлар ва узумзорлар билан ўралган, улар баъзи жойларда бир-икки лига (5 — 10 км.) масофагача ястанган. Шаҳардан кўра, унинг деворидан ташқарида аҳоли кўпроқ. Шаҳар атрофидаги боғларда хашаматли саройлар қурилган, уларнинг бир қисми Амир Темурга тегишли; ундан ташқари, бу боғларда шаҳар зодагонларнинг ҳам ўз кўксаройлари бор", дейди. Демак, соҳибқироннинг бунёдкорлик соҳасидаги тadbирлари, ўз навбатида, бошқаларни ҳам руҳлантирган ва улар бу хайрли

ишларга ўз улушларини кўшганлар.

Бобоклонимизнинг жаҳон аҳамиятига молик яна бир эзгу тadbiri бу — халқаро савдо йўлларини тиклаш ва ривожлантириш бўлди. Унинг саяё-ҳаракати билан Буюк Ипак йўли қайта тикланди. Евроосиё мамлакатлари бўйлаб тармоқланган мазкур халқаро савдо йўли Мовароуннаҳр худудига икки — Кошғар ҳамда Еттисув орқали кириб келган. Буюк Ипак йўлида кўпгина шаҳарлар шаклланган. Хусусан, Самарқанд, Бухоро, Кеш (Шахрисабз), Хўжанд, Тошкент, Шохрўҳия, Ахсиқат, Андигон, Ўзганд, Ўтрор, Термиз, Хоразм (Урганч), Ҳисори Шодмон, Ҳирот, Балх, Марв, Оксус, Кошғар, Ёркент, Хўтан, Турфон, Қумул ёзма манбаларда халқаро савдо йўллариди шаҳарлар сифатида қайд этилган.

"Шаҳарда бемалол савдо-сотик ишлари олиб бориш учун махсус майдон бўлмагани сабабли, сеньор (Темурбек) бутун шаҳарни кесиб ўтувчи йўл ўтказишни ва унинг иккала томонига савдо дўконлари қуришни буюрди. Бу ишни кеачо кундуз давом эттириб, (тез орада) кўчани жуда кенгайтди ва (йўлнинг) икки томонига чодирлар тикди; ҳар бир чодир олдида яхлит оқ (мармар) кошнлар қўйилган баланд ўриндиқлар ўрнатилган эди. Ҳамма чодирлар иккитадан қилиб бирлаштирилган ва унга ёруғлик тушиб туриши учун деразалар қўйилган эди. Чодирлар қурилиши тугаши билан у ерга сав-

догарларни юбордилар ва улар ўз молларини сотишга киришдилар. Кўчанинг баъзи жойларига фавворалар қурилган эди. Ана шундай катта иш йигирма кунга қолмай ниҳоясига етказилган эди, хайрон қолсан киши", деб таъкидлади Клавихо бу ҳақда.

Амир Темур она шаҳри Кешда ҳам хашаматли бинолар — Оқсарой ва Доруссаодат мажмуалари, мадраса, хонақоҳ, рабат, ҳовузлар, боғ-роғлар бунёд этди. Соҳибқирон бутун умри давомида Шахрисабзда улкан бунёдкорлик ишларини олиб борган.

Айниқса, гўзал Оқсарой ҳақида Захириддин Муҳаммад Бобур шундай ёзди: "Ўзига даврон ўлтурур учун бир улук пештоқ ва яна ўнг ёнида ва сўл ёнида тавочи беклари бида девон беклари ўлтуруб девон сўрар учун, икки кичикрак пештоқ қилибтур. Яна сўврун эли ўлтурур учун бу девонхонанинг ҳар зилида кичик-кичик тоқчалар қилибтур, мунча олий тоқ оламида кам нишон берурлар. Деруликни, Кисро тоқидин бу буйиқрактур".

Амир Темур ўз давлатида жорий қилган бунёдкорлик анъаналари XV асрда темирлийлар давлатида унинг авлодлари томонидан ва кейинчалик Бобурийлар даврида давом эттирилди.

**Омонат БҮРИЕВ,**  
Тошкент давлат шарқшунослик институти хузуридаги Абу Райҳон Беруний номидаги Шарқ қўлёзмалари маркази катта илмий ходими.

дан танишди ва ўзбек балетмейстерлари кўмагида миллий рақсларимиз, жумладан, "Тановар"ни ўрганди. Қадимий шаҳарда улар ижросида шарқона рақслардан иборат концерт дастури ҳам намойиш қилинди. Хелен Эриксеннинг таъкидлашича, бу ерда олинган билим ва орттирилган малака уларга ўзбек рақс санъатини дунёнинг бошқа минтақаларида тарғиб этишда қўл келади.

**Истам ИБРОҲИМОВ,**  
«Халқ сўзи» муҳбири.

Хурматли юртдошлар!



## «АСАКА» банки

2016 йил мамлакатимизда «Соғлом она ва бола йили» деб эълон қилинганлиги муносабати билан миллий валютадаги қуйидаги муддатли янги омонат турини таклиф қилади:

### «СОҒЛОМ ОНА ВА БОЛА»

Ушбу омонатга ҳисобланган фойзалар ҳар ойда ёки омонат муддати тугаганидан сўнг берилади.

Шу билан бирга, «Асака» банки миллий валютада 26 турдаги ва хорижий валютада 14 турдаги омонат турларини қулай шартларда таклиф этади.

Омонатларни банкнинг барча филиалида расмийлаштириш мумкин.

Мурожаат учун телефонлар: (0-371) 120-39-81, 120-39-60, 120-39-63.

| Филиаллар                  | Код   | Телефон   |
|----------------------------|-------|-----------|
| Тошкент шаҳар филиали      | 0-371 | 120-83-13 |
| «Автотранспорт» филиали    | 0-371 | 120-39-95 |
| Шайхонтоҳур филиали        | 0-371 | 140-39-36 |
| Юнусобод филиали           | 0-371 | 221-80-67 |
| Сергели филиали            | 0-371 | 257-44-10 |
| Тошкент вилояти филиали    | 0-371 | 120-84-13 |
| Андижон вилояти филиали    | 0-374 | 223-60-74 |
| Асака филиали              | 0-374 | 233-21-99 |
| «Фарход» филиали           | 0-374 | 226-96-63 |
| Фарғона вилояти филиали    | 0-373 | 244-39-14 |
| Марғилон филиали           | 0-373 | 237-62-23 |
| Олтиариқ филиали           | 0-373 | 432-19-80 |
| Кўкон филиали              | 0-373 | 542-61-01 |
| Наманган вилояти филиали   | 0-369 | 227-15-68 |
| Навоий вилояти филиали     | 0-436 | 770-21-29 |
| Зарафшон филиали           | 0-436 | 572-40-14 |
| Бухоро вилояти филиали     | 0-365 | 770-05-19 |
| Бухоро шаҳар филиали       | 0-365 | 770-11-27 |
| Самарқанд вилояти филиали  | 0-366 | 233-65-47 |
| «Афросиёб» филиали         | 0-366 | 221-71-76 |
| Қашқадарё вилояти филиали  | 0-375 | 221-07-41 |
| Сурхондарё вилояти филиали | 0-376 | 770-60-59 |
| Қорақалпоғистон филиали    | 0-361 | 228-14-81 |
| Хоразм вилояти филиали     | 0-362 | 225-44-03 |
| Сирдарё вилояти филиали    | 0-367 | 225-44-03 |
| Жиззах вилояти филиали     | 0-372 | 226-43-11 |

«АСАКА»  
БАНКИ  
САРМОЯНГИЗНИНГ  
САҚЛАНИШИ ВА  
КЎПАЙИШИНИ  
КАФОЛАТЛАЙДИ!

[www.asakabank.uz](http://www.asakabank.uz)

ОМОНАТЛАР ҲАМДА ОМОНАТЛАРНИНГ БАНКЛАРДАГИ ОМОНАТЛАРИНИ КАФОЛАТЛАШ ЖАМҒАРМАСИ ТОМОНИДАН КАФОЛАТЛАНАДИ.

Сизнинг омонатларингиз:

- солиқлар ва мажбурий тўловлардан озод;
- маълумотларнинг сир сақланиши тўлиқ кафолатланади;
- эгалик қилиш ҳамда тасарруф этиш ҳуқуқи ўз ихтиёрингизда;
- миқдори чекланмаган.

Хизматлар лицензияланган.

Спорт • Sport • Спорт • Sport

## Боксчиларимиз умумжамоа ҳисобида биринчи

Хитойнинг Куинан шаҳрида бокс бўйича Осиё ва Океания Олимпия саралаш мусобақаси якунига етди. 35 давлат вакиллари иштирокида ўтказилган мазкур нуфузли чемпионатда ўзбекистонлик спортчилар 5 та олтин ва 2 та кумуш медални қўлга киритиб, умумжамоа ҳисобида биринчи ўринни эгаллашди.

Вазни 49 килограммгача бўлган боксчилар ўртасидаги финал баҳсида Ҳасанбой Дўсमतов филиппинлик Роген Ладонни, Шаҳобиддин Зоиров эса 52 килограммгача оғирлик йўналишида хитойлик Жангунан Хуни мағлубият-

га учратди ҳамда шохсупанинг энг юқори поғонасидан жой олди. Ўз навбатида, ҳал қилувчи жанларда вазни 69 килограммгача бўлган чарм қўлқоп усталари ўртасида Шаҳрам Ғиёсов таиландлик Сайлом Арди устидан галаба қозон-

ган бўлса, 81 килограммгача вазн тоифасида Элшод Расулов қозғистонлик Адилбек Ниязимбетовни енгди. 91 килограммгача бўлган спортчилардан Рустам Тўлаганов ҳам олтин медаль эгасига айланди. Уларнинг шарафига Ватанимиз байроғи кўтарилиб, мадҳиямиз янгради.

Баҳоидир Жалолов (+91 килограмм) ва Ёдгорой Мирзаева (-51 килограмм) эса кумуш медалларга сазовор бўлди.

**Санджон МАХСУМОВ**  
тайёрлади.

## Осиё чемпионатидаги ажойиб натижа

Алмати шаҳрида ёшлар, ўсмирлар ва катталар ўртасида таэквондо (ITF) бўйича ўтказилган VIII Осиё чемпионатида Ўзбекистон вакиллари истеъдод ҳамда маҳорат бобида ҳеч кимдан кам эмасликларини яна бир қарра исботлашди.

Йигирмага яқин давлатдан 600 нафардан зиёд спортчи яккама-якка жанг ва махсус техника намойиши бўйича қатнашган мазкур мусобақада ҳамюртимиз Бехруз Саидов катталар ўртасида чемпионликка эришди. Яна бир вакилимиз Шаҳзодбек Мустафоев эса иккита бронза медалга сазовор бўлди.

Ўсмирлар ўртасидаги беллашуларда Муҳаммаджон Умаров, Абдулбосит

Одилов, Умиджон Ғаниев, Лазизжон Ғуломов, Сардор Юнусов каби умидли таэквондочиларимиз совриндорлар қаторидан жой олди.

Шундай қилиб, битта олтин, битта кумуш ва ўн еттита бронза медални қўлга киритган юртимиз спортчилари умумжамоа ҳисобида учинчи ўринни эгаллашди.

**Фозилдин АБИЛОВ** тайёрлади.

«TOU Co.LTD»  
Ўзбекистон —  
Жанубий Корея  
қўшма  
корхонаси

махсус қурилиш  
техникаларини  
таклиф  
этади.

**DOOSAN**



[www.doosaninfrastructure.com](http://www.doosaninfrastructure.com)

Маҳсулотлар сертификатланган, хизматлар рўйхатга олинган.

Манзил: 100039, Тошкент ш.,  
Юнусобод т., Чинобод к., 87-уй.

**Савдо бўлими**

Тел.: (+99871) 200-00-27/28.  
(+99890) 805-60-52/53.

E-mail: doosansales@uztow.com

«UNIVERSAL SERVICES of CENTRAL ASIA»  
хорижий  
корхонаси

махсус қурилиш  
техникалари  
эҳтиёт қисмларини  
ва сервис  
хизматларини  
таклиф  
этади.



[www.doosaninfrastructure.com](http://www.doosaninfrastructure.com)

Маҳсулотлар сертификатланган, хизматлар рўйхатга олинган.

Манзил: 100039, Тошкент ш.,  
Юнусобод т., Чинобод к., 87-уй.

**Сервис хизмати**

Тел.: (+99871) 200-00-26,  
(+99890) 189-71-54, 968-71-79.

E-mail: servicedoosan@uztow.com

«FPI DELIVERY SERVIS» МЧЖ

боғ қатор оралари, иссиқхона, томорқа ерларига ишлов беришга ҳамда хашак ўришга мўлжалланган илҳам, қулай ва камҳаражатли мотокультиваторларни ва «LIUGONG» русумли экскаватор ҳамда бульдозерлар учун эҳтиёт қисмларни тавсия қилади. «TIGUAN» русумли мотокультиваторлар 6 ва 9 от кучига эга. Дизель ҳамда бензин ёнилғисиди ишлайди.



Маҳсулотлар сертификатланган.

Манзил: Тошкент шаҳри, Юнусобод тумани, Боғишамол кўчаси, 8-уй. Мўлжал: Юнусобод тумани 1-сонли давлат нотариал идораси. Маълумот учун телефонлар: (+99890) 176-81-45, 968-56-77, 989-09-62, (0-371) 234-42-17.

[www.motoblok.uz](http://www.motoblok.uz)

Ўзбекистон Миллий ахборот агентлиги жамоаси агентликнинг Сурхондарё вилояти бўйича фотомуҳбири Фарҳод Абдурауловга отаси Зиёдулла АБДУРАСУЛОВнинг вафоти муносабати билан чуқур таъзия илҳор этади.

Тошкент молия институти жамоаси Бюджет ҳисоби кафедраси ўқитувчиси Қараман Алтиевага онаси Арногул САИДОВАнинг вафоти муносабати билан чуқур таъзия илҳор этади.

Халқ сўзи  
Народное слово

Бош муҳаррир Ўткир РАҲМАТОВ

2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Буюртма Г — 467. 116 140 нусхада босилди, ҳажми — 2 табоқ, Офсет усулида босилган. Қоғоз бичими А—2. Баҳоиси келишилган нарҳда.

Газетамиз ҳақидаги маълумотларни қўлаб олиш учун QR-коднинг телефонингиз орқали сканер қилинг.



ТЕЛЕФОНЛАР:

Девонхона (0-371) 233-52-55;

Котибият (0-371) 233-10-28; Эълонлар (0-371) 232-11-15.



Тахририятга келган қўлёзмалар тақриз қилинмайди ва муаллифга қайтарибмайди.

Реклама материаллари учун тахририят жавобгар эмас.

Газета тахририят компьютер марказида терилди ҳамда оператор Ж. Тоғаев томонидан саҳифаланди.

Газетанинг полиграфик жиҳатдан сифатли чоп этилишига «Шарқ» нашриёт-матбаа акциядорлик компанияси масъул.

Босмахона телефони: (0-371) 233-11-07.

• МАНЗИЛИМИЗ:

100000,

Тошкент шаҳри,

Матбуотчилар кўчаси, 32-уй.

Навбатчи муҳаррир — С. Махсумов.

Навбатчи — Д. Улуғмуродов.

Мусахҳиҳ — А. Султонов.

«Шарқ» нашриёт-матбаа акциядорлик компанияси босмахонаси. Корхона манзили:  
«Буюк Турон» кўчаси, 41. ЎзА якуни — 20.45 Топширилди — 21.00 1 2 3 4 5 6